

Sistemi nedostaci veterinarskog sistema BiH predstavljaju rizik za zdravlje

“Ozbiljna pojava kju groznice u Republici Srpskoj i bruceloze u Federaciji BiH su pokazatelji slabe kontrole zdravlja životinja u BiH”, rekao je danas prvi zamjenik visokog predstavnika Donald Hays. “Neuspjeh bh. vlasti da harmonizuju veterinarski sistem ne samo da prijeti zdravlju građana, već pojava bolesti i nedostatak kontrolnih mjera da se spriječi njihovo dalje širenje bi mogli imati i negativan uticaj na bh. stočnu trgovinu i izvoz”, upozorio je ambasador Hays.

Pet osnovnih problema stvaraju teškoće bh. veterinarskom sistemu:

- BiH nema čvrstu nadležnost nad veterinarskim graničnim prelazima i međunarodnom trgovinom životinjama i proizvodima životinjskog porijekla.
- Postoje nedostaci u zakonskim propisima koji se odnose na laboratorije odgovorne za kontrolu zdravlja i izdavanje pravomoćnih certifikata o zdravlju.
- Prema sadašnjim zakonskim propisima ne postoji jasna linija odgovornosti između entitetskih, državnog i Brčkog veterinarskog ureda.
- Nedostatak finansijskih sredstava sprečava sistematizaciju u veterinarskom sektoru
- Nije proveden sistematski program identifikacije životinja.

Bh. veterinarski sektor je podijeljen na četiri nezavisna dijela: BiH, dva entiteta i Distrikt Brčko. Rezultat je suviše komplikovan sistem, koji može funkcionirati samo ako država

preuzme odgovarajuću ulogu u usmjeravanju i koordiniranju drugih elemenata. Uprkos nastojanjima Državnog veterinarskog ureda da izgradi efikasan veterinarski sistem u skladu sa evropskim zdravstvenim standardima, koordinacija u bh. veterinarskom sistemu je i dalje slaba.

Ukoliko ova zemlja zaista ozbiljno razmišlja o članstvu u Evropskoj Uniji i što je još važnije, o zdravlju svojih građana, ona mora poduzeti korake kako bi se osiguralo da veterinarske službe i Ministarstva poljoprivrede pokažu veću spremnost da implementiraju postojeće zakone. Ovaj zakon jasno definira nadležnost, procedure, kontrolu i mjere za sprečavanje bolesti. Bez unapređenja javnog zdravlja, članstvo u Evropskoj Uniji, strane investicije, stvaranje novih radnih mjesta te ekonomski oporavak biće ozbiljno ugroženi.

“BiH ima efikasan Zakon o veterinarstvu, međjutim, da bi se uspješno zaštitilo zdravlje građana i maksimalno iskoristili ekonomski potencijali, država, entiteti i Distrikt Brčko moraju shvatiti da provedba i sadašnja organizacija veterinarske inspekcije nisu adekvatne”, rekao je ambasador Hays.